



## Akcija **SIPA-e** u Hercegovini



Akcija **SIPA-e** na području Širokog, Ljubuškog, Čapljine i Mostara

# Uhapšena peterica zbog ratnih zločina

Postupajući po naredbi Tužilaštva BiH, policijski službenici Državne agencije za istrage i zaštitu (**SIPA**) jučer ujutro su na području Ljubuškog, Širokog Brijega, Čapljine i Mostara slobode lišili pet osoba zbog ratnog zločina.

Slobode su lišene osobe inicijala M.H. (1949), I.M. (1952), M.N. (1962), T.R. (1971) i J.M. (1968) zbog postojanja osnova sumnje da su počinile krivično djelo "ratni zločin protiv civilnog stanovništva" na području

općine Čapljina tokom 1992.

Postupajući po naredbi Suda BiH, istražitelji **SIPA-e** pretresli su objekte koje koriste osumnjičene osobe radi pronalaska i privremenog oduzimanja predmeta koji mogu poslužiti kao dokaz u daljnjem postupku.

Osobe lišene slobode bit će privedene u službene prostorije **SIPA-e**, gdje će nad njima biti izvršena kriminalistička obrada, nakon čega će biti predate Tužilaštvu BiH na dalje postupanje, saopćeno je iz **SIPA-e**.